

散原精舍詩卷下

起乙巳
訖戊甲

義甯陳三立

乙巳元旦晴眺作以下乙巳

起貪殘雪豔檐端
初日彌漫動紫瀾
竹色桂叢籠造化
鳥巢雁影警高寒
尙依宿酒鳴孤憤
略撫新歌得暫歡
四海無人矜此意
重摩老眼岸儒冠

酬璧元以元日和詩見示

兆歲逢春第一辰

是日立春

雍容裁句報閒人到門
車馬尊前

影堆案斲孟雪外塵
莫挈牢騷供世役
猶堪傀儡轉天鈞
連燭奇士吾能數
知共樗蒲涕笑新

謂君同居李
曉敬大介

聞雲秋自永州解兵還居長沙有寄

十載兵間快指揮
眼中作健故人稀
雅歌夙昔邀填撫
退

食委蛇有是非
邊郡移軍皇甫重
謗書盈篋樂羊歸
城門

醉尉今逾橫
掘汝東臺岑朮肥

君所居湘鄉西宅都東菴山

王木齋見過話海上舊游

凍溜垂檐雪暗篝
上衣小火證前游
海潮一角鏡千樹
搗

盡啼魂結蜃樓

鶯燕黃鸝相逐飛
香塵十里綠陰肥
輕雷初在樓臺外
閒

數胡雛緩緩歸

翠篔壓髮絳敷唇
宛宛游龍萬態新
偏映酒杯餘此老
按

歌聲裏究天人

謂與嚴又公同飲事

玲瓏小閣勝嬌嗔費盡才華賦洛神多謝相知不忠厚妝
臺留看海揚塵

同曉噉璧元往觀日本人幻劇

髡枝銷雪颺烏窠物外閒尋得子過穿市輪蹄聲颯沓歷
場冠珮影嵯峨侏儒閱世原同幻歌哭牽腸亦已多自昔
眩人誇異域暫憑跳舞警蹉跎

寓園春集和伯純

汨凍結蓋壤歲始蘊一泄枿根釋雪痕柳眼碎煙繖曠池
暉浮浮稜石黝揭揭鶴味下汗滓鷄尾擺嶽嶠負牆展雞

柵覆甃豁蛇穴園姿頗幽映春事謬槌挾鼓鐘應物序賓
親滿英烈髭髻各有態殷闕枉轉轍燕席環玲瓏青霄誘
高警堆案晒鎖豚薦俎掃庖隘酒行瀉坎浸渴吻孰扇鏞
屋椽燦燈火縱錯鬧談舌控絡大宙內閑閑一蠓蟻張侯
俯堂均獨瞰意飄撇袖出攬興篇端緒巖綴列否運遘殃
敗支陸紛躋齧備駕折衛馳交途捧跋蹙蒿莠勝柱礎廈
構危繫髮矧贅不貲軀歷抵害株檝雷劔久埋獄卞玉繼
泣血宴私形諜問枝拒見闕絕自詭面目黧冥擊肺肝熱
噫吁是耶非全拂引嗚咽猛虎搗井檻騶子撲以媒枳棘
下孤鳳光儀蔽螟蠶氛稜所包纏天人互顛蹶子材實雄

驚睽陽粹唐突川海蓄涵澄嵩華終跨越環混挈樞機精
瑩灑蘭雪爰止鯢鮪淵倏與萬化滅

人日顧石公廣文飲集龍蟠里至者爲繆筱珊編修張次
珊通參張伯純郎中徐積餘俞恪士兩觀察及余凡六
人

酒人負我金叵羅一去撇捩如奔梭盜山黯黹龍淵閉林
花開謝誰摩挲我亦經歲懣蕭寂有眼未挂青青蘿坐想
鼓篋校章句日拊菜肚窺飯籩獻春雪霽暄日曬警曙刺
東招吟哦先生歸作風光主踴躍佳氣浮槃阿朝命簋興
訪古道依郭穿塚隨駕鵝枯木橋頭一笑對嘉客三五聯

涪坡各暉鬢髮照寒水微拖遠岫明煙螺世變軒騰到夢
寐不改蒼徑留鴉窠呼觴促坐快飲啖餚馘味與蠶鹽和
繆張才雅據壇坫汗隆亦頗傷軼軻徐侯罷釣東海水胸
次鬱律千蛟搆郎中靜兀貌若愚別抱哀樂僨譏訶城南
兪卿最後至搏戰再接橫矛戈鯁生祇映寒梅柯斜睨主
人醉顏酡少焉一客騁狂謔欲開殺運持條科江南冗吏
久不飽刀鋸其如饕餮何豎儒溺冠有前例可否丐命髡
雙鬢滿堂歡呼而仰屋安知戶牖頽爨娥題詩人日記軼
事散歸隱隱聞鳴珂

園居看微雪

初歲仍微雪園亭意颯然高枝噤鵲語欹石活蝸涎凍壓
千街靜愁明萬象前飄窗接梅蕊零亂不成妍

次韻季詞齋居卽事

千山孕綠待啼鵲雪罅晴光對渺然想像樓臺明小水蔽
虧城堞護長煙瓜田凍裂閒攜錘笳吹飄揚醉仰天自古
江南供一擲莫教烏鵲喚朝眠

於亂書堆中忽得吾友廖菴咳廣文重刊詩卷不省何時
投寄末附近歲之作所未經見驚喜誦之系以小詩

酒榼吟筇散渺茫每從桑海覓湖湘十年相望豹藏霧萬
卷叢殘鼠齧廊觸手琳瑯驚有異堆胸歲月憊都忘空知

老去矜詩格，攜照青天涕數行。

月夜獨步

萬瓦浮新月，孤城落晚鐘。行歌有人在，微醉帶春慵。苔色昏昏見，蘿陰窈窕重。欲呼霄雁下，影我踏從容。

飲鑑園玩月

溪園眼邊物，衰憊久闕賞。開歲踐嘉招，夙心一摩盪。廊館風玲瓏，柯葉煙莽蒼。脫雪數株梅，卻立據鼠壤。孤樓擠雲隙，羣山微可仰。寒月作芒棧，鬱勃肺腑朗。一水含笙歌，明滅窺雙槳。循梯錯賓席，鐙燭燦帷幌。羹醢映春蔬，彬雅得吾黨。森森癡虎頭，謂頰石公行酒倒甕盎。拔幟萬人敵，突圍掃

無兩軍法佐觴政醉死敢道在虬髯昂然來陶琰林堅壁
拒佩疆憾之不爲動坐大蠻夷長四面環楚歌崩散各拊
掌獨留照闌干戀此夜氣養斂翻棲鳥閑吹沫游鯨上睨
彼濠堂空天外割奇想

上元日雪中劉龍慧梁公約相過

癡雲抹漆亂鴉橫爆竹千街雪裏聲二子從容躡高屐一
春消息在初醒園池祇領荒寒味文字猶爲賈豎輕歌舞
昇平吾老矣令辰賸有濁醪傾

董卿見訪云今歲可拋落事役重理吟詠調以此詩

喧世功名刺萬眸有人垂手聽橫流熒熒來自百僚底齷

齷齪爲一歲謀塵駕疲能脫鞿鞅風懷例合此窮愁更煩
吟徧秦淮柳雷轉飢腸數白鷗

江行抵通州港岸

江暖孤舟下鐙初萬念驕回風穿海入移渡觸天搖性命
完策舍光陰秀麥苗亭皋紛在眼吹雨冷瀟瀟

正月二十二日通州南郭外會送肯堂葬

重來城郭更尋誰海氣荒荒接所悲原路一棺寒雨外衣
冠數郡仰天時斯文將喪吾滋懼微命相依世豈知惟待
千年華表鶴河山滿目識殘碑

集通州師範學堂示季直并貽王旭莊州牧

跨江控海一都會廣廈環流物象雄盡抉羣材棄糟粕上
窺三代得帡幪瀛寰福澤聲靈合石室文翁擬議空起撫
絃歌誰和汝相攜破涕問蒼穹

於江孚汽船晤余翼齋陳哲甫兩觀察夜談

雨氣寒鐙焰氍廳二客親胸中存姓字意表挾酸辛駕海

曾探險

翼齋新自
美洲引還

談黔在饋貧

哲甫出示
多所甘詒

還愁宵

浪白飛濺過江人

驚蟄日飲集淮舫

獻春幾何時寒色猶纏裹午弄秦淮漪日氣融一舸微波
吹組練低岸絕埃堞嫩碧滋柳條細白浮梅朶靜數魚鬣

張笑逐驢脚踏晴雲照天墟叢雁點么麼吾儕究安適成
就嗒然坐萬岫合冥茫蒿蘆穩孤柁鐙酌出寥廓管絃引
婀娜中流揚新聲滿聽初貼妥起視星斗高歸櫂箭脫筈
哀樂紛莫原物固有所可城堞依尊罍江南其老我
實甫郵書且暮從閩督解官歸次前韻

東西南北人又載營魄至四海莫之容信短英雄氣一昔
書告我羣彥角文字小叩而大鳴聲雅起廢墜窮荒得此
樂師儒所分惠奈何寄專榻翻覆輕變置長安似奕棋流
傳匪訛僞兀隨繡斧還猶痛珠崖棄鼉龍湧山嶽欲駕無
勒轡紫空迷歸年拊心痲成瘵幸留鴈爪羹汲溪可烹試

期子訪毘盧呼僧話九帥

毘盧所助建

晴望

愁霖兼日夕點滴到尊前
恐改蛟鼉穴初開燕鵲天
竹叢經霧解柳蕊坼春妍
三徑留孤影看魚意莫傳

題張次珊通參日望樓餞別圖卷

楚中二直初放歸

兼謂高理臣

京兆同致仕 薄海愾歎滋然疑更番論

列在帷闥功罪所屬知者誰
亡何蕭牆煽禍亂藥藥東市
橫朝衣始悟餘生就尊餒會
有天幸非人爲沈吟茲事五
年久鳳靡鸞吡噎萬口流連
帳飲日望樓煙塵莽蒼空回
首公亦陸沈夔几間食字不
飽如我頑行競錐刀稱子本

漫堆世變凋容顏三致千金覓
方術儒俠賈豎相往還異
時傭保與雜作休沐攜看江南山

雪中攜叔澥由甫次申飲酒樓

湖海人來氣自豪攜憑飛閣醉蒲萄
瓦鱗新雪生春豔旗
角寒雲捲雁高憫亂心情成小聚盞
愁歌吹壓羣鷓鴣盤
酪椀兼滋味坐對花枝拂二毛

次韻酬李審言維揚見寄

恨別傷春覺已多酒痕三歲換蹉跎
庾郎食籍珍鮭菜江
令毫端豔綺羅絲蒨諸儒嗟散落珠簾
十里想經過峩峩
淮海無雙士莫折瓊花照逝波

百花洲湖亭眺雨

晦雨茫茫湖上亭步廊閱盡去來今浴覺新漲荷錢滿礙
馬橫隄柳線陰零亂風光支病骨追隨父老笑初心撫時
留得閒滋味瘦石寒漪照獨吟

江上逢龍伯認觀察喜而有贈兼託其中表梁節

三年邂逅兩逢君海角江頭共夕曛肝肺猶如當日熱行
藏微恨故人聞篋中藥本千靈吼鬢底波濤九派分爲語
習池醉山簡餘生相繫祇孤雲

送子培解南昌守印綬隨使海外

歲時閉置同新婦鬱鬱陸沈黃綬間倏眩螭蚪光動海起

遮鷓鴣氣如山探源星宿枯槎在倒景蓬壺夕照閒酌取
瓊漿分一滴西江父老遲公還

中秋夕百花洲水亭玩月

西山吐孤月愁向故鄉看柳岸露初白荷湖香已殘歲時
成惡抱簫鼓警飛翰弄影摩腰腹空憐舊酒顏

由九江之武昌夜半驕郵亭待船不至

廬峰長影挿江流濤白煙青頰唾秋強臥候亭數星斗孤
明鐙火聚鳧鷖支離皮骨殘宵見生死親朋一念收魂夢
十年迷玉笛茫茫開眼此淹留

過黃州因憶癸巳歲與楊叔喬屠敬山汪穰卿社耆同游

提攜數子經行處絕好西山對雪堂勝地空憐縱歌詠諸
峰猶自作光芒鼉鼉夜立邀人語城郭燈疏隔雨望頭白
重來問興廢江聲繞盡九迴腸

九日從抱冰宮保至洪山寶通寺餞送梁節厂兵備

嘯歌亭館登臨地今日都成隔世尋半壑松篁藏梵籟十
年心迹照秋陰飄髯自冷山川氣傷足甯爲卻曲吟作健
逢辰領元老下窺城郭萬鴉沈

杯酒初深搖落悲孤標離色見須眉平生所學終能信功
罪旁人未許窺會起臥龍襄水曲更宜騎馬習家池采薇
早晚亦歸去相憶白雲無盡時

宿寶甫崇福山寓廬于晦若學使亦至

結廬峰頂四無鄰
共子銜杯話苦辛
投老齏鹽堅自擲
逐羣爪觜恐難馴
江湖暗數千帆盡
燈火初宜二客親
去國懷賢紛涕笑
迷離今昔隔緇塵

十桂堂坐雨賦呈抱冰宮保

藤棘垂絲桂拂廊
坐間微雨洗秋香
支頤啜茗憂危大
負手看花意思長
曾向池亭憐舞鶴
祇今觴詠答寒螿
賓僚久慣依迂叟
餘事論文未可忘

酬李文石觀察

啖餅夷門兩少年
搖搖日月見霜顛
江流照影知吾在
寢

字尋碑覺汝賢隨筆欲妨孫退谷折枝旁寫憚南田銷沈
心事聽秋雨吹夢橫吟到酒邊

山堂夜話贈小魯時小魯方悼亡

我來訪舊面虛帷自許黔婁淚滿髭重對秋鐙分藥裹強
過山館數花枝銷磨意氣吟仍健顛倒英雄世不知攜倚
闌干摘星斗江城軒動柝聲疲

連夕詩會戲呈抱冰宮保

公垂橐籥信多能流略包纏妙悟憑辰告遠猷迴寤寐清
秋逸興自飛騰尖叉巧鬪雙聲句象罔環窺一穗鐙應笑
鰕生艱奏技垂頭摩腹似癡蠅

和實甫山堂雨夜遣興

屢挾江聲到此山
亭亭桂樹向人閒
胡麻煮茗喧殘夜
棒燭傳箋破醉顏
蟋蟀股牀如有約
駕鵝啼雨去無還
癡兒情思同秋葉
飄颺紅窗翠壑間

漢上旅館坐雨時方訂南溟鐵道債券

漢上樓臺雨作絲
料量鹽鼓幾攢眉
塞衢負擔聲邪許
拂屋旌旄影陸離
親駕鹿車元不遂
竟書驢券亦何爲
因人錄錄少成事
坐對瓶花弄酒卮

和實甫怡園觀女優

搖江鏡火接樓臺
亂眼巒髻萬舞纒
歌泣已開新世界
神

仙真謫小蓬萊迷離傍地誰能辨老大逢場意自哀終竟
人間聞此曲梁塵飛盡一歸來

贈陳石遺監督

勝流沈

子培

鄭

蘇堪

抗顏行說子淵淵無盡藏狼籍詩篇

爲客久摩挲樞具看人強過逢江漢頭俱白上薄風騷氣

獨蒼更欲用心到聖處坐收俊語挂奚囊

君有時刻用

戲柬小魯

所不能如賸此髯憂天談道睨時賢芋魁作飯廚無肉草

履尋山杖挂錢捫腹詩書藏萬怪吹毛嘗議到孤麕還防

質庶窺籬客

謂實甫

鎚破家居自放顛

酒集琴臺作

微阜層軒拂眼新
重尋松蓋長龍鱗
滿湖秋落殘荷色
斜日杯浮大道塵
只有徜徉供此世
未應癡妄認前人
讀碑又覺名流盡
數點閒鷗與我親

贈紀香驄監督

憶昔燒鐙倒瓦盆
老來襟抱接清溫
劫餘名輩猶能數
物外崎嶇未可論
讀畫評詩有家法
登臺彈淚望中原
白頭都講何人識
此是通儒六世孫

山堂秋集贈何棠蓀觀察

發源江水數千里
犯溜觀潮往復還
形勝山川此都會
樓

臺花竹對容顏雄心想逐衣冠盡高詠剛忘世事艱指看
棲烏翔未下重重煙雨鎖柴關

贈程子大太守

廿年湖海作才人今棄糟醅悟道真儒墨紛綸規自出市

朝填咽欲誰親運斤斲鼻天機在起舞驚心宙合新我媿

蟲魚老塵几請捐故技伺針神

君近設工
兼及刺繡

鶴園夜集

江聲推不去攜客滿山堂階菊園鐙瘦衣塵點酒涼平生
微自許出處更何方簾外聽歸雁天邊亦作行

由武昌渡江還漢館

一江橫匹練還往費吟身微浪吹魚出孤雲接雁新髮毛
閒閱世笳笛冷招人插眼睛川閣朋尊憶未真

贈楊範甫監督

早覩聯翩好弟兄匡時興學各聲名歸營別校今誰比偶
觸羣喧道益宏江漢又逢開口笑文章幾作不平鳴銜杯
回數游尋處種柳成林白雁橫

贈曾履初觀察

曾二溫溫無所試胸中乃森千甲兵掉頭金門去飄忽插
腳南紀孤枝撐十年翻覆世難極一室詠歎天機清日挾
阿兄但就我丈席過酒長河傾

江樓晚望

荷已離披柳葉殷空留秋雁點關山加餐客子無功狀癡
盼江頭釣鮒還

嫋嫋江波初月輝樓船去眼竟何歸鄰歌祇是牽人意博
得憑欄露溼衣

靄園公讌賦別分韻得菊字

蛇山首聳牙簇簇棹尾江水如轉轂靄園高置額頂間囂
市平林成到目黃髯倦游還好特闢玲瓏數椽屋歲時
賃廡琴志生挈妾抱書歌當哭春風邀屐踏蘼蕪秋雨依
簷韻花竹我來就宿忘主客菽乳芋魁每充腹差喜朋侶

得聞之紛紛送酒且饋肉自然談笑出酸腸真見江湖容
老秃賤儒醉飽工作計朝吟暮吟苦不足捉鼻閒看北郭
船簪頭靜映東籬菊晴霄萬仞雕鶚動倏布離筵對奇服
滿眼英俊氣何橫挂口瀛寰意微觸方今畫策收桑榆競
資同軌控大陸幾人出手辦茲事自哂隳鈍信碌碌鑿空
鑄錯卒未喻拚歸牧豕西山麓倚柱睨壁篤行李衆芳所
在吁誰屬國類題衆芳所在四字翻思十載眠食地鐘磬不改亭臺
續猥遭元老顧樽散又荷羣賢采邊幅士生當世無一成
兩肩扛喙但飲啄千悲萬慮雜肝腑忍拋公等問時局野
鴨蔽天霜氣淨門外帆牆森筍束留語窗几蓄丹鉛後先

題寄煩最錄

滬上賦呈弢庵閣學師

瘴嶠深藏聽水樓長成松竹數春秋自凝道氣馴飢鵲偶
式游車問喘牛鐙火笙歌千慮迸陰陽儒墨一尊收海涯
重見緣傳法瓠落門生亦白頭

壺天遯叟八十生日

匡廬秀南紀積氣陵參井霞石九疊屏剗嵌霄漢影真靈
所翔聚緬對暇以整維公宦成歸眺息愛奇嶺築屋梵刹
旁琴心自絲永平生功名盛喉吻棄直梗馨欬答松聲都
付猿鶴領養空森物象亘古入悲憫彌綸載仁書道與天

地準孔老釋牟尼寤寐接驂鞞訖訖兩兒子笑看作贅癭
身挈萬化樞無漏亦無盡四海此父執擊觴且造請公但
吐虹光照耀五老頂

十一月廿二日重赴滬於江上作

觀世亦何爲蹙蹙成往還海濱美遨游擾攘車馬間猥接
師友盛取濯塵土顏別舸一夢破射眼江南山而又迫期
會要約無由刪踉蹌襪被出餘看棲鳥閒旗脚影未收決
窗認沙灣燕磯壓突兀金焦迎兩鬢江光蕩魂氣俯仰了
相關鷗鷺下笑人雲水久依攀自詭殉物變層累飽憂患
所營值毫毛支此皮骨頑霜露白萬里寒聲動潺潺劇能

暖吾意殘照留茅營

晴舟過樵舍

岸柳髡都盡江波暖自翻大魚同我上孤鶩際天存霜鬢
搖旗影鄉心照酒尊忙閒定誰解三宿已無痕

歲暮渡江入西山至長頭峴

寒江落手綺羅淨晴壑軒眉幃幔重沙步風煙明蛤殼橋
亭楓櫟繫牛宮車聲十里碾殘夢日色千峯佳舊容飽腹
酸鹹皮骨盡來聽樵唱答村春

到墓上還宿靖廬

枯管已被隴短松猶滿山立當落照處豔血光斑斑風爲

自東來鳥爲自西還煙嵐澹淡之颯入游子顏常年獻節
物千里越阻艱今也愆兩候眼穿寸步慳江湖誠負人空
戀木石閒忘世反糜軀疾恙訟我頑踉跚青鐫碣號悲動
邱巒魂氣出可語杳莽又莫攀蕭峯微含睇天表垂華鬢
澗坑腥虎氣蔓棘藏陰姦池水靜黽鼃霜實坼朱殷光影
引履迹虛館鏗銅鑲客傭訝淹遲色沮筋力孱歸飛迷投
林其奚謝嘲訕四壁昏蛛絲蝸痕映迴環桂樹益出屋密
竹排牆灣花枝掃無餘記逐蜂蝶間設燭睨盞盞歌哭支
癢癢

視邠峴葬處

當門山小卻互轉得新阡
抔土真親汝杯漿與問天
日溫松氣合煙瘦鳥聲傳
休憶頽齡母聽潮漲海邊

月夜樓望

好及霜飛月暈時
萬山不動一樓奇
松枝影瓦龍留爪竹
籟聲窗鼠弄毳鬱鬱川
原高塚出繇繇神理濁
醪知閉宵毛髮梳風露
輸與噪叢烟烟窺

曉去西山

山樓初日白扶去更迴看
霜陌穿蛇蚓霽峰舉鳳鸞
翻眸風葉接帶夢墜鏡殘
負擔逢能識荒亭擁一餐

百花洲湖榭對雪書感

投筇落湖館吹雪挾飛濤坐對江城凍虛驚鳥鵲逃殘芽
甯有幸孤詠一相遭會見堅冰至迴鐙向濁醪

夜發南昌城

飄忽隨寒雁蕭騰動老龍多慚席未暖忍數歲將終風滿
江聲壯鐙迷夜氣濃等閒摩腹地煙麓隔重重

渡湖晴望廬山

夜來風惡怒濤旋曉起晴湖落髮邊貪近魚身浮鏡面任
移鷗翅拍吟肩披霄彩翠靈山氣中酒光陰歸客船莫更
作癡乞如願大姑迎我髻鬢妍

泊湖口

宮亭迷首尾但有瓠壺腹引吭循舌下哆口又微束大江
橫齧之傾注無不足餘涎納若拒澄濁界匹幅夜舟插鬪
罅萬象相照燭戍鼓搗參差旄幟影巖屋蒼紫下撲人摩
盪千里目雲間缺月上坐看石鐘盪阻絕不得往想像僧
傳粥蛟鼉幾出窺濤淵聞擊觸形便百戰空遺詠感坡谷
九華究安歸逸事更誰錄千載同酒杯勞生一夢逐
到九江憶臘八日壺天遯叟生日曾過宿琴心樓今趁船
不及重訪占寄寶甫由甫兄弟

憶昨稱觴拜草堂喜心佳氣四飛揚登樓峯色圍吟暖壓
屋松枝裊夢長上客甯妨動食指

劉達泉黃小魯兩
親察楓秘營澆飯孤舟

一往亂愁腸

余先買舟入南昌

殘年又逐江鷗返
欠看新詩滿壁

廊

過安慶懷姚叔節

海濱一覲君顏色頗幽瘁
自言興鄉學志願百不逮
譬彼治園圃羣卉見芽穉
培護不中程衆芳滋蕪歲
又如調駒犢良者拔騏驥
驅駕就夷塗千里靡頓轡
自非致通儒柄持擅利器
爬剔而長養萬品何由遂
當世嚴復翁所蓄涵道藝
冥解天人機熟貫中西事
取以代盲聾庶用修廢墜
昕夕造寄廬導師援碩義
引避中然疑百請艱置喙
吾道其非歟作計端匪細
倘恍極煩煎雞號厯失寐
子幸察區

區久莫我遐棄鞭後挽使前勉將父老意余聞廢書欺語
語出肝肺凡今章句徒擁座各予智誰能忘飢渴牽攀圖
化誨演繹澈表裏傾吐燕閒地動容酬激昂幡然改初慮
君時排闥入喜氣溢眉際從茲斲大匠謂可告無罪騰書
報上官持酒慶多士余亦有井閤聽曙日歧異仰天自成
噤縮手那知措孰非血氣倫嗟君用心摯宵舟過城郭顏
汗雜涕泗憾未涉君藩企瞻但捉鼻

江夜

默默昏昏意重重窈窈山余誠不自揆收取大江還老雁
穿雲出長魚擺月閒宵殘波浪白斗柄插華鬢

園望

孤負花時數舉觴歸來殘歲對茫茫老藤僵壁蛇留蛻餘
粒拋泥鵲覓糧箕踞放言安所用池塘照影未能忘毬場
新付漁竿手爲掃枯蘆一畝強

雪中過朱次江大令

寒餓故人常滿眼未有如君澈骨貧
掌大雪花一相看科頭呵氣已噤人

子非昔日昔人耶官職聲名只自嗟
記坐養知書屋裏肥魚大肉鬪尖叉

十口虛懸反過之強搜筐篋以相遺
而翁牋句今能誦我

雨罅喚輕沓漲信颿風晴峯頗照眼百里青濛濛沙岸
所齧痕今來易西東一片黃瑠璣亂插柳叢畸零瓜蔓
水處處沒鳧翁犢有浮鼻過條有銜尾通其陽出微陂雜
花搖白紅斜趨石甃橋明滅浸長虹可憐萬象影詭蕩漪
瀾中襟趣忽已高微憾無與同鳴篋蒼煙根升降草木豐
鬢邊白日麗四映皆玲瓏茗亭拾夢痕欠伸於蒿蓬但隨
伊軋車靈境誰能窮

到墓上時節尸按事城中於前七日拜墓而去

蒼蒼雨餘山突滿遲暮眼孤兒同飄鷹下爪無擇揀叢花
發已了草印見深淺短松被邱巒狼籍盡裁剪螟蟲恣汝

爲負手千百轉拂拭墓門石墮淚迹猶辨鄰翁爭致詞異
事匪訛舛隔日寒雨中籃輿落苔蘚有偉丈夫者獨以生
芻屐此客不知誰虬髯照層巘心知在天壤其精貫幽顯
去來不可原縈霄涕空泣

爲子培題姚雲東文字飲卷子

十牛鳴地懸奧區續續岫嶺銜舳艫潑墨蒼林蔭古色醜
枝盡靡雲氣麤世間真有仙村在著此二三山澤癯搜攬
怪迂吐光景野服污酒閒投壺有託而逃適已適定忘漢
魏游黃虞我返西山數椽屋陂長壑暝聊可葦楓根命酌
亦徑醉但欠素侶相嬉娛樵老牧兒躑躅下挽繩弛擔同

朽株絮語城中頃，構難變起倉卒駭汗趨。杯酒爭言易與
耳，縣尹頸血凝盤盂。人聲雨聲亂白晝，祆廟一炬天模糊。
流傳里耳雜真濫，刺入肝腸增微吁。卻念使君好腰脚，追
陪尊俎奔泥塗。空夸安施噤不得，舉足左右成賢愚。偃處
險巖古未有，坐對官燭掀髭鬚。猥出畫本指勝地，萬態弄
眼甯關渠公手。濁醪腹詩書，把臂荒僮真吾徒。老藤挂石
蛇所都，沸蜩木末聽笙竽。擺落牘尾揚輕裾，亭子誓索魑
魅居。強公同憂緩須臾，馱醉更竢宗武扶。溪風浴筆滿意
緒，掃盡百道松聲無。

宿靖廬夜坐

孫竹抽梢雙桂完歲時幾向雨中看蛙聲乍起樓窗晚雁
背徐高陌隴寒蟲齧萬松成禿鬢鼠窺孤鉢臘零餐矮簷
癡拭新安碣坐憶誰能涕泗乾

碣晦翁書容膝二字
先公候趾後陸

哭季廉

萬鬼爭猶鉅海限真成一夕碎瓊瑰平亭學術歸孤憤凋
瘵鄉閭見此才聽講祇餘殘月在尋親應帶怒潮回遺箋
重疊藏塵篋後有千秋未忍開

廬旁被雹災聊記之

城東飛雹如酒椀城西雹大如鵝卵擊碎夏屋千玻璃毀
瓦破垣更無算其時雞犬皆夜驚滿城官吏走且喘況當

焚殺牧師後豪酋隊艦爭射眼魂翻夢悸夫何誰各指彈
石恣蹂踐可憐婦孺啼號極匿案戴盆冀自免天災人禍
不虛應好事聞之亦煩蕪我來山中視廬宅牆角摧落可
三版他餘花樹略傷殘不及松株被蟲剪蕩蕩臥對西山
高姑置占驗容偃蹇

哭次申

錦衣玉貌過江人幾躓塵埃賸我親萬憾都移疽發背九
幽更恐債纏身羽毛自惜誰能識圭角難穰稍未純此後

溪橋候明月一披蕭卷一酸辛

君子淵留時以蕭尺木書如
卷子見遺言後觀此卷如

也觀我

哭顧石公

海內號酒狂尤以詩文顯嶽奇磊落氣一一在篇卷倖直
靡所容冷毘恣偃蹇亦復走遼邊偶與債帥善歸來愈自
放世變納孤瓊譏訶一世人舉俗避白眼吾獨愛石公罵
坐滋婉變酣嬉淋漓餘角出輒飲滿築居益山麓清曠稱
傲懶龍潭古不波小嶺包蜿蜒花樹臨青葱橋亭虹影斷
雜植明石斛婆娑西域產旁擅一洞天風光屬領管歲歲
挑菜節佳客穿戶限或歌或聯吟或罰爵無算今春薦盤
蔬馬籃臙羊櫛蔬呼讀書堂盛極一輩選謂當吾未死勝
約歲必踐近句爛几案頷首無可揀荏苒越上巳室邇人

已遠此士今則無累歎腸百轉江南盛名彥大都習熟輒
惟君貶新法佩強吐忠款善敗甯逆覩口噤不復辨君有
平生友鄒卿最繼繼耳熱廣坐間稱君獎其短吾意卒不
易據哀申蹇蹇

廬夜

所遇成新故荒山亦有家鐙前意高下窗外雨疎斜過客
曾留飯幽人自煮茶繩牀還太古飛夢繞龍蛇

南昌青雲圃馬道人遺像題示住持

鶴鶴仙尉宅千祀興壇場踵迹蔚道流鼎寶燦丹房馬師
何許人其來自何方岸異魁梧姿銀鬚過腹長足臂關銅

環神力莫禁當胸腹傲萬怪龍虎龜
此藏垂偈何紛敷證
諦接微茫妙悟發天人導源綜其綱
物薪灰碩軀霄宇爛
生光祥雲繚繞之胎鶴下翼翔衆
見驚歎傳說互低昂
至道還自然繕性挫銳芒變異誇末俗謾誕階披猖靈蹟
耀大地偶耳詎云臧默探玄牝門厥旨操括囊

樓坐作

自營如縛蠶遭迫如驅雞歲月積汶汶焉得肆攀躋蹴踏
埃塏間但有面目熬攜醞來窮山腰脚避杖藜指爲上塚
兒倏忽晴雨迷兀兀樓頭坐四顧眼受鏡側徑著飄英連
阜長新蕙雲嵐互虧蔽衆嶺出角圭茂林壓叢箐遮以青

瓊瓔隱隱動龍蛇迢迢竄鼉鼉蕭仙沖舉壇靈氣見端倪
想像洪厓洞略不可考稽彼皆有所棄不儕觸藩羝我匪
出匪處內視摩腹臍親朋況死去未償一豚蹏惘然緬墟
壠跳枝接颺駢牛迹遞隱顯雉雛無東西俯仰甯有他爲
誰留幽栖

雨望待芟老不至

一往還餘我山樓看酒杯竹光搖雨散松氣卷雲回深念
關啼鳥殘痕長宿萊青蒼連眼膜端許作癡來
晴廬雨坐戲爲四絕句

山中三日雨如繩數竹看松幾拊膺成就胡牀抱書睡開

關射雉更無能

朝餐新剝貓頭筍夜飲重煎鷹爪茶一落江南憶鄉味分
明廬墓似還家

客傭之母吾鄰媪自識兒時四十年白髮蒼顏今再見避
談舊事益悽然

跳跟嬌憨誰氏雛走攜論語雜屠沽昨逢里老談蒙學苦
問朝廷變法無

別西山於途中作

躑躅吟常在溟濛徑已分千山初斷雨一雁下穿雲野水
光零亂樵謳飽聽聞棘花隨意白風接更紛紛

望城岡

萬翠壓荒亭啼魂認屢經坡陀明斷潦草木散微腥一飯
淒閒味羣嘶掩抑聽丁丁出雲表此意與沈冥

百花洲湖亭觀漲感賦

飄眼明湖沒漲痕荷錢破碎柳釵髡欹翻繼鰓都無問自
照摩尼濁水源

戲贈程螯庵

儒吏觥觥程螯庵家四立壁了無慙譯編殆已誦八九密
友自稱才二三枵腹趨衙得怪事瀝血向世成迂談艸玄

揚雲亦落拓

謂乙

先五百年君桓譚

由甫過夜談作

誰歟輒夜過由甫吾狎舊遇視同阿兄才藝並天授子較
究吏事不蒙畫餅諾頃落百僚底雖囊稍獲售措手條例
地爬抉祛弊陋倡言設旅棧長養菁莪秀咄嗟具規程此
事可粗就對燭見眉宇諷議頗雜湊力持南昌獄彼族刃
其脰嚴祕伏萬因坐使陷疑竇尤憤豪酋橫召妓於白晝
齷齪陪衣冠瑣細固遺臭餘及怪幻端科比難赦宥呼煎
雙井茶舌本助沃漱更爲搜異聞資噓延刻漏降雹壯於
拳作俚附如瘤死去王安之憑致窶兒富
月夜別南昌與黃益齋同宿城畔舟中

安排都瑣瑣來對萬波明月白唾無罅江搖盪有聲浮條
緣漲滿零雁挂山晴並影孤鏡下相看不世情

九江江樓別益齋

蕩蕩長江貫酒卮憑高送遠亦何爲臥隄柳影一千尺出
屋檣桅三兩枝挂眼青冥移雁鷺撐腸祕怪鬥蛟螭世間
可了無餘語掀盡濤聲祇自知

夜過武穴

挽月黃流杳莽間片旗搖舸出荒灣尋常野鴨蔽天處燈
火光中數點山

江樓雨夜與實甫同作

驚雷破碎雨翻空江閣飄鐙茗椀同夢寐重尋成此夕嘯
歌自老見微衷賤儒飲食終能嗜深語端倪不可窮欲向
二髯解迎刃謂小魯節看渠抵几氣如虹
過武昌宿曾二園館

別巷好園館教余寤寐清陰柯弼幄滿怪石撲鐙猶歷歷
窺先烈依依隔阿兄欵牀笑行脚留聽曉鐘聲

汽車發漢口抵駐馬店口號

萬轉金輪羯鼓搥橫穿郡國突長蛇斜陽欲墜無人管映
盡中原鶯粟花

四月下旬至保定越閏月二日實君布政兄讌集蓮花池

一作

關略積歲懷奔騁萬里途執手嫩日下各驚顏貌癯世難

責攸寄誰能愛微軀連宵倒衷腸屏風觸僮奴繞屋念先

澤涕隕鬢襟裾先公官十二年政使時君也奮相接百躍併一

吁城偏蓮花池勝蹟耀上都爲我召賓僚良辰挈榼壺亭

館信瑋麗雙塘茁芙蕖曲廊引坡陀醜石絡四隅交加古

木色濃翠垂霄鋪弄影白玉梁得像蓬瀛無三聖留鏡

珉慨慕塵劫餘絃誦未墜地盛稱黃與吳謂子善布政主

選池書院講席遭值公退後嬉此過隙駒昔賢勞萬物匪躬殉所

圖及出眺高明恍與造化俱一張而一弛文武道不誣期

君休天鈞集氣於冲虛執古御今有湛然貫精蠡洗心息
以踵囂訟皆笙竽茲來覲政役復極視聽娛綢繆尊俎間
醉語效區區

贈順循

文儒健吏眼中無見子翻傷氣類孤光怪發礪彈指過伶
俖吞淚到腸枯羨魚結網容能及將穀增巢坐失圖絮語
埃塵雲物改幾時歸老注陰符

過天津戲贈瘦公

酸儒不值一文錢來訪瘦公漲海邊執袂擎杯無雜語喜
心和淚說彭媽

彭媽不獨憐才耳誰識彭媽萬劫心吾友堂堂終付汝彌
天四海爲沈吟

保定別實君順循三日至漢口登江舟望月

往還萬里都無事祇覓風沙倒酒尊三日車聲繁別語一
江月暈澹詩魂樓船燈火搖波碎鼓角山川撫檻存自笑
身如南北雁飛飛移影點中原

江船將發小魯實甫來話別作

二客來尋江上舟夕陽欄楯語中流染衣塵土剛驅犢橫
鬚邱巒已帶鷗老去聲名還對哂承平豢養又何求揚楫
直犯蛟鼉窟憶汝行吟鸚鵡洲

還金陵走視次申雨花臺殯宮

尋常客還時
謀門君踵至今
我萬里歸不聞
在車騎君果
安往耶魂定
旋拭淚本期親
執紼愆策十日
轡越晨造殯
宮繞郭雲麓異
飛揚鏡吹聲
蒼鬱草木氣
僧寮橫兩棺
殉姬列其次
漆光颺蛛絲
捫拂中如醉
爭衡夸毗場
餘此野哭地
亘古誰無死
嗟君死顛躓
生世所遭歷
祇供疽發背
骯髒排世人
獨結塵外契
宿昔促膝言
沈沈在肝肺
乘興泛酒舫
月橋每聯袂
閒游侶亦失
衰蹇更何冀
掩帷立空階
仰警冥鴻逝

寓園蜀葵盛開賦

沙塵眯眼久歸對照天花光倒一池水晴籠百道霞迷魂
春欲曉扶醉豔爲家獨媿橐駝坐枯藤睨挂蛇
飲青溪畫舫示劍丞

連壑晴嵐光景殊束腰帶水寫銀盃眠煙單舸魚浮鏡射
岸疎鐙蚌弄珠笠屐俊游逢夢寐

酒坐有姚

郊原新鬼隔

歌呼

謂次申

羣雛那解荒唐語兀兀傾觴著老夫

園坐憶陳士可同汽車度黃河橋

歸來倚樹屋山晴堆鬢車塵念友生已負黃河橋上語白
虹千丈雜雷聲

爲李審言題慈竹居圖

維揚李先儒雅魁包孕六籍斟三才發爲文章足光怪排
蕩淮海驅霆雷自遭縫掖窺一管目哆舌擣鄒與枚頻歲
乖離闕面論踪影稍隔魂低徊長夏氣暖初客返忽枉書
尺言歸哉小人有母今八十勉攜婦孺將尊罍橐筆負米
秉訓誠敢苟祿仕華堂開聊倩畫手作圖獻慈竹居徵所
從來拂拭窗案敬且歎明衷用意猶嬰孩綠陰十畝戶牖
靜釘盤凍筍光皚皚澹泊至味娛几杖愷悌悅豫天人該
燕鵲翔鳴亦自得鳳凰下食夫何猜會當推恩資百歲更
看戲綵爲老萊

城北道上

晶礫新馳道晴霏疊馬蹄屋陰銜柳浪裾色潤瓜畦
能相避偷閒亦自迷歸棲枝上鵲爲我盡情啼

歌席戲贈沈鳳樓同年

朝治文書千管禿宵圍絃板一鬢親使君風味高天下
費工夫作石人

端午園居聞客述淮舫游觀之盛

傾城仕女簇淮流鷗鳥驚飛雁影收十里旗旛籠霧動萬

船簫吹遏雲愁江南舊俗餘行樂橋底冤魂想出游

去歲
端午

文德
死者
橋欄
數十
人獨繞花光園石氣醉誇客語復垂頭

滬上訪太夷

生還真自負雜處更能安意在無人覺詩稍與世看所哀
都赴夢可老得加餐吐語深深地吹牀海氣乾

同益齋黃浦灘步月

夜樓持醉去車下有新涼草潤月痕碧潮喧江氣黃閒身
無檢束偶語不尋常取適換人世飄歌亦斷腸

詣朱古微同年寓宅迷道而返

中有隱君子千街不可尋氛埃衝獵獵光景隔深深誰共

斯人語空知辟地心還過谷口鄭

謂太

夷一證去來今

過季廉勝業里故宅

遽遽如有失養養定何之醒醉誰同我招攜況此時標門

符號記駐展賸漣酒終負聯牀約孤游悔昨非每至夏下

宅耕寓

伍昭展自歐西夏穗卿自日本先後歸書以貽之

昭展天西至穗卿還自東兩賢安所得一世不能同淚併

乘桴海魂翻拔木風五月十四日濕軒窗問奇畫澹澹意

無窮

張園

鐙火惱人意揮車叢薄間張園終自好萬態復相還草樹

縈香吹星河見酒顏循廊同閱世飛蝶對聞閒

頤園觀電光圖畫

新置小園馳道限畧園榆柳蠶樓臺儘緣觀技療消渴也
逐雖鬢魚貫來

幻影憧憧亂眼纔陷都聯隊沸如雷烽煙燒地萬旗白使
我皆裂心死灰

晚至張園游人散盡啜茗虛廊悄然成詠

日沈車馬散歸鴉獨踞風廊撥揀芽密樹成帷宿星斗疏
鐙羅石伏龜蛇道心欲合無窮世夜氣餘扶解語花攜手
勝流今畧盡開看傭保數年華

伏日日中伯叟過話園廳有詩次韻答之

客歸荷滿莫愁湖坐接風香鬢影孤觸熱偏宜襜襪子聞

喧誰犯執金吾

江西南徽兵方與

憂廊叢竹陰初碎點鏡疏

花翳欲無抗墜新吟入蟬唱老夫餘興在蘆菰

雨後園夜對月

樹杪騰涼月胡牀好臥看照檐蝙蝠出飄砌絡緯殘雷雨
垂餘氣池臺接累歎吹笳江海斷空憶蔗漿寒

園居坐雨

荒園三日雨卉石氣爲秋懸雷妨池漲新涼媚酒漚鳩聲
仍自亂蟻隊久相仇看看垣衣長肺肝生古愁

次韻鄧熙之翁過飯園廳見貽二首

園館蕭蕭疎雨過池塘漲退見殘荷偶邀巾屨三花在高

論幾軒萬古多石罅風光照蔬茗陸沈心事影巖阿鯤鵬
蟻同無礙那信人間有網羅

屢劫還爲自在身孤松蕭蕭石磷磷輪囷懷抱抱無盡老
去文章工愈新呼馬呼牛長此世屠龍屠狗竟何人期公
莫話苞桑計堆眼官資看積薪

雨中尋青溪

衣髮明秋漲閒心無與同片山雲雨上孤棹管絃中沙鷺
飢相聚風枝靡盡東冥尋拂靈境元氣白濛濛

抱冰宮保七十 賜壽詩

鉅海水所歸峻嶽瞻萬方維公體元氣滄嶽與頡頏其學

渾無涯百家擷精英夙綜漢宋說抉剔益證明遺經究終
始姬孔紹微茫諸史導派別獨挾治水航文質遞沿革
變攬一綱富教求本圖紀述參海邦涵孕溢文字龍螭交
騰驤章疏擇敬與語言妙君房偶然吐雄句甫愈汗且瞠
戲作擘窠書眉山屹相望瑰胸羅造化瑣及一藝長始直
承明廬哲彥翮翔翔嘉謨預典禮鳴鳳在朝陽爭推第一
流倚贊期運昌輶傳旣接出舉俗依儒宗緒餘輟軒語多
士式法程浸尋愈嚮用遠蔚爲國楨中原界汾水嶺
海表泱泱大江絙如綫輸委吳楚疆節麾互敷厯底績揚
孤清是時環外侮機牙競怒張千紀積敝陋勢待掃以更

羣言乃不揣淆亂雜披猖公起斟酌之踐取加維防於世
有砥柱於國有干城於民有衽席於士有津梁於古保
純粹於今闢康莊治鄂久尤習江漢繞寢廊山林啟藍縷
農戰明管商道器造俊秀萬廈叶笙簧天下勁兵處瓌貨
擅浩穰權算藐劉晏矧彼孔與桑回天數大議冠世數大
工赫赫扶氣運歷歷見艱貞移鎮二十年成就須髯蒼兒
童仰司馬鎮將折贊皇中國有異人此語徧遐荒公亦有
所短以拙守道常人皆攘臂趨退審歛銳鎡又或憚詬議
挺挺躬自當昔誦閔牛賦引喻寄篇章羣指寓言耳孰辨
掬衷藏隔歲襪被出謁公十桂堂完固熊豹姿澄澈冰雪

腸洪山作重九賓僚從汪洋聯吟動巖壑高論降陶唐宇
宙有此山下視極慨慷元臣係中外遑恤憂患將風雲絡
繹生叱咤杯酒旁丹楓迎杖履神凝天降康心儀老益壯
卜公施未央今秋躋七十 寵賜盛褒揚四海走相慶百
國借觀光萬口所讚頌於公皆秕糠萬手所披寫鸞羽拾
豪芒久辱公晒睐輒恕野服狂綴緝亦無似聊以據我忱
戟門初月輝庶幾侑稱觴

泊湖口

怒漲齧山脚偎船雞在籠石明蒼紫色雲作淺深鼓老有
觀漁興閒論蹀血功吹歌波浪上微射港鏡紅

七月十四夜結客十數輩汎東湖看月

千頃風湖放釣船橫肱跣足對如仙荷香鬱鬱鏡搖鏡柳

影層層月在天自返故鄉無此樂不知今夕是何年去人

留戀來人笑謂子培提學將行各有西山插鬢邊

次答陳亮伯外部見懷

昔從吳季謂瘦公數豪雄每及長安陳孟公揮塵飽參千佛

坐橫刀快挾萬蹄風略餘舞袖迴旋地相望孤吟慘澹中

我自摧殘作溝斷那勞匠石顧忽忽

和伯攷酬李拔可新句

吏窮心亦窮寤寐有秋風爲吐思君句亭亭物象空綠輝

生草木白日在籬櫺江海一相照起予鳴砌蟲
過伯弢晚飲

十日魂翻藥竈風閒尋虛館蠟鐙紅長魚大馘人間世更
有新詩落眼中

典衣治具小豎傳坐客清於蛻骨仙
江州朱次解憶牀頭五
升米醉歸分與典衣錢

壽左子異宗丞五十

湘陰太傅扶天手遺烈轟轟動 帝闈有子起家仍患難
雄姿妙畧見根原破荒日月光初大獨立精神世所尊欲
倒滄瀛滴卮酒看持元璧照脩門

憶昔湖湘萬喙張端煩膂力固苞桑卽今薄海防驚犬誰

念前規有餽羊劍氣星辰終自近菜根場圃定難忘

君湘
中舊

菜宅
根有圃
名香

豐儒那數章平業祇驗旂旂塞草長

題吳溫叟青溪泛月圖

自我落江南萬撼不措意時時泛酒舫但飲山川氣頻歲

牽鄉役騰馳江海遊侶更凋殘每奪眺賞地頃還侵病

魔斗室等頌繫散襟蛛網前數磚供佳僚藥裏厠新卷措

眼虛明際青溪一片月模糊燭夢寐水面榆柳風橋頭鴻

雁字倒影六朝山窈窕弄篷背想見獨夜人肺腑留殘醉

人生老縮手物外成滋味探幽契夙游詩魂一魑魅

漲退步後園

蛙蛇隨漲去還我舊園池行柳晴能舞叢蘆響自悲髮寒
秋井影窠穩女牆枝萬象扶衰疾亭亭夕照時

贈別鳳樓同年入廣州

劍裝北海移南海風貌今人猶昔人已有瀛寰落胸次閒
尋溪舫岸頭巾絃歌萬族依酣寐帷幄孤尊數積薪世上
功名歸健者射潮去啖荔支新

招客飲青溪畫舫久候不至聊賦短句

鉤月房櫳外酒船城堞邊鳥破綠煙夕魚跳紅藻妍掠檻
迷鬢影衝泥擲丐錢衆賓終負腹獨媚此山川

次申家二鶴寄蓄後園一爲狸昨斃一於昨晨飛去悵然
有作

死友平生籠二鶴置我園池便俛啄齊脛交頸仰天鳴似
戀舊恩悲濩落一戕狸吻一控地潛養羽毛棲息異禍機
不到篁篔山風日熒熒自飛去兒曹那知深入雲城中大
索徒紛紛凝眸卻共精魂語華表千年合覓君

渡湖至吳城

賊飄務驅人氣與魚龍上舉酒呼神君如願渠無恙
釘眼望湖亭烘以殘陽柳中興數人物都在啼鴉口

九江鐵路局樓遣興

博望貪鑿空長房專縮地幻想託鬼工紛營極鬼碎魚貫
操技人策事墮莫對書生指畫肚赧未習其器賸有百尺
樓泠泠寫吾意湖漪瑩千頃廬峰倒蒼翠雉堞絡虬陂嵐
樹儼冠帔兩嶂弄晴色絲縷作霄翳一髮牽江光九面洩
巖氣化城金碧園靈液滋肝肺盤鷹爾何求擁隊涎魚味
趨利鷲鳥發又以煎百慮把茗擺落之沖襟養天素清輝
籠几榻晨夕驗佳寐

題王尺蓀閭園詩卷

陶堂自詫泉明格

謂湖口高
伯足丈

分派涪嶓無解人後數十年

起閭少冥探藁籥發其真騰霄光怪湖山氣破寐芳馨蘭

蕙春我欲微言參造化精還糟粕是天民

送別劉幼雲之官陝西提學使

皇運遘邇屯丕變競興學四方被聲教繡衣出參錯坐圖
昧根據 廷謀脫羈縛東鄰絃歌盛望洋指先覺裹糧遣
就之翕合飽諮度虛往而實歸羣公亦垂棗劉侯騫騰姿
影海聳片鶻爰整關中駕過憩潯陽郭鄉井有斯人夙心
契冥漠把袂奮談舌鐙搖涕欲落覘國以自鏡頑珉待剖
琢魯鄒道經天萬治護其躍功成迹象外此事基澹泊秦
風未溼墜巖藪富蘊璞刮磨發光精九州可照燭沈沈龍
養淵浩浩魚縱縶因時爲隆污闔闢在管籥恢疏慎所持

族命固有託飄髮廬峯旁積海寫一酌

十一月初二夜大雷電樓望有作

劃盡一樓奇景物煥天眼睛湖鏡匳開雲岫屏風展雁鴛
時點綴龜魚共游衍霜隄禿後株黃綠作深淺塔影臥寒
漪孤艇月中顯靈輝醉魂夢酒梳恣假蹇初夕逼霾噫雷
電下掃卷文豹號萬仞金蛇繞百轉破山燒大浸勢與坤
軸撼颯海旋一螺震眩保餘喘誰謂真仙都夜叉鬪黯黠
乖陽乘駛陰天人氣相演疆鄙果兆亂過師塞船輦時津
陵之交有唯亂江南調跳梁騰壓卵千里念蹂踐豈儒稽
軍二千方過九江境災祥甯以智自免雞鳴起欠伸悲笳在城版

湖樓曉坐

湖氣釀爲霧層裏璽粟紙玄鳥白鳥飛錯列都貼水復穿
隄樹去餘影亦譎詭匡君下重帷深巖漱巖髓虎豹爲之
馴鸞凰爲之使想得五老過天風韻琴子道機孰能隔握
瓊笑相視瞬垂青雲梯吾從此逝矣

雨夜

晚風扶雨過江城鏡澀湖樓頰唾清蝙蝠投檐臨水影鳥
鳥爭樹隔牆聲親爲賈豎天甯藥冥躡匡廬夢欲成卻憶
踏歌黃篋舫漲痕應與蟹標平

江上

鷲鷲同自憇還往逐樓船江氣成黃白巖霏鬪怪妍肺肝
愁更拆形勢古無傳起望射蛟處寒潮木杅邊

題陶齋尙書陶公亭雪夜評碑圖圖後爲天發神讖精拓

本

天璽紀功碑誇示追秦烈秦文照百世吳碑頗剝缺象書

亦斯儔其力可屈鐵自從燔宮牆存者寶補截趙宗之所

藏迄未親凡列阮刻溷坊蹟世或譏跛鼈吾鄉劉舍人所

蓄號匪劣

南豐劉慈民丈世藏此
碑今歸貴池劉世衍

要其精完處視此恐難

埒尙書籠萬有嗜異甘饕發東搜扶桑製西摹埃及碣三
代遺法物奧窈充闡闢是拓雖瓌奇於公例旒綴獨念雪

亭人各有肝肺熱梁李尤好事目眇掉筆舌江山凍酒痕
勝賞了一瞥公證汗漫游四洲入鑑別持貫金石心回數
濟時傑天演人尸之今古赴嗚咽還期發幽情保粹啟來
哲

臘月二十五日由九江還金陵寓園

齷齪垢俗胸挽洗大江水江水生波濤中有雷霆起殘歲
一身歸入門咤婦子瑣碎說蹤迹篋笥爭料理園池還我
眼煙破天光詭冷竹咽酸風敗蕉臥污滓瘦石環禿楊猱
猶怒相視疎雨不成霰餘灑潤窗紙二三親舊過吐吻更
拊髀上有蜩沸囂下有魚爛死網羅彌四極賸送鵲聲喜

萬化駐杯罍婆娑亭榭美擺落區中談疲魂媚尺咫
除夕前一日過季詞

公真天下好神血凝斯文老愈疲鉛槧貧餘醉夕噓當門
嗚咽水護郭陸離雲殘臘歸相訊卮言異所聞

除日祭詩和劔丞

奎蹄緣蠕蠕不避燁沃滅棘叢飛翻翻不戒網罟設寰壤
著大羣顛擠得跛蹙指掌白馬歲災變固已烈四張麒麟
植輝我炎黃國憲法頓輸灌合彼海裔轍猥以資淘淘霾
電詭一擲吾衰汎江湖向人有瘖舌刺取賸餘景咀嚼吐
楮墨且哦且自羞么禽啾微雪歸歟收視聽蛇尾亦赴穴

警君祭詩作哀鏘碎冰鐵所極弄竊冥覓敷靈草悅揚我
縷縷氣澹與蜃樓結雲龍逐東野古淚復誰咽猛挈日月
開劃照心頭血

除夕

看殘賦芋偷桃局併入燒鐙撥醞時萬市沈沈喧羯鼓九
霄裊裊影龍旗老懷真覺黃農沒遺行猶堪道路知起拂
星辰梅蕊白烹茶煮餅我爲誰

元日 以下丁未

園中直草木曖曖見朝暾鵲語含春脆蝸涎篆砌溫放言
從易世孤憤莫尋源牆外盛車駒空聞笳吹翻

對雪柬伯弢

疏疏飄雪點春寒
柳蕊梅梢子細看
卻憶哀鴻蔽江北
襪長映惠文冠

挑菜搬薑風味宜
陶潛空宇少人知
門前過盡閒車馬
自燕爐煙護柳枝

君新納
一姬

雪夜劔丞見過示新詩

雪屋春鐙兩幽絕
哦對寒叢稱嬾拙
肯屏騎從就我談
縱橫萬象窗明滅
歲月崢嶸酒入脣
案頭更驚詩句新
金張衛霍關輕重
笑謝悠悠世上人

用前韻答劔丞偕梅癡恪士晚飲

鐙衢簫鼓聯不絕翠衫行歌有巧拙閉門祇惜金石聲古
香氤氳散花滅盤中鵝肪青魚脣霜菘露韭相鮮新邀遮
一醉吐險語賈島慮全非世人

再用前韻戲梅癡時梅癡爲兩江師範學堂監督

書畫不娶號三絕儻買娉婷補短拙兀坐學舍笑掉頭日
參法喜客慧滅東家巧妝欺絳脣西家倭墮高髻新輻湊
皈依正法眼休忘恆河皺面人

雪晴步後園

園雪琉璃色池冰鼎占文春風引閒步燕雁已紛紛菜甲
稀能數苔香暖不分循牆呵釣石飄吹滿晴雲

人日遣興

瓦溝殘雪明檐牙園林一例春氣加眼目晃漾筋力弛雜

樹日出翻鷗鴉歲歲今辰挑菜節益山詩老相要遮

公願石

潭汜深靚巒壑秀構架亭館籠晴霞摘蔬翦韭映照椀錯

列炙雁堆蒸蝦主人勦客蔬百盞勢若克敵金鼓搥呼聲

動地屋瓦震旗靡轍亂西日斜乍肯受降到膝席抱頭竄

避同鹿麀堂堂斯人竟蛻去城中好事今誰耶壁間詩句

幾剝落藤蘿小徑空藏蛇當時坐客亦星散或役江海羈

京華欲沿故事攬風物出門誰詣回游車況復世難迫且

暮上下岷峴交紛拏疥癢餓殍極千里蕩洗甯問犁與杷

吾儕追念飲文字承平遭際猶堪誇自靡鬢髮忍腹痛坐
嗅牆梅三兩花

贈程樂庵工部

霜髭霞頰程工部來作江南老畫師染袖二陵弓劍淚
壓裝卅載夢華詞蟲沙閱世留微笑麴蘖逃名謝故知幸
布春陰護新柳板橋照影幾枝垂

對月

藹藹春城月輝光初酒尊窺簾新婦韻棲石定僧魂河漢
誰能掃鷓鴣鳥也自馴獨憐溪上叟

謂季詞居
青溪旁

搜句坐梅根

初春攜家汎青溪

溪山佳友朋不厭尋逐數當其或違離夢想然疑作邂逅
償執袂倒腸百體躍反復探舊厯昭朗披新濯積歲狎青
溪風月對殘酌猥羈江海役繩綆繫兩脚晨霽春采動發
興指東郭孺人藥爐閒攜盡到稚弱片舸瑩波瀾柳芽煙
漠漠鐵柵木闌干鶯燕相照灼憂舡飛笑語天物諧宿諾
粼粼一線魂網縕結秀壑

鑑園雪氣乾髡株出嵯峨擁亭冷竹叢孤映殘梅柯香風
四散滅鏡影閑婆娑等閒蜂趁衙寂無鳴鳥過漫誕靡蕪
痕海綯江委佗屈曲窺鍾山木杪黏翠螺拾級坐虛閣手
挽蒼蒼波茗椀徘徊地曾照千梨渦高空有夢還月白留

行窩

迤東麗樓臺婦家所卜築維船攀欹岸羣稚奔快犢迹以
迎笑兒牽引入深竹茲區信奧曠巒岫有邊幅鎮覺清氣
肥寤歌在幽谷連牆十畝閒亦竊比湯沐癡兒誇立錐問
舍愧碌碌荆鄒號借隱禮卿蘇堪亦賈隙地吟待溪聲續
終期茅一把老死作鄰曲誰敢謂必然蛟蚪長眩目
雪中同胡子靖陳士可熊秉三訪半山寺

一點夢中山曠歲失攀厯常迷具茨駕空睨老驥樾片春
氣陰陰微雪鵲枝集二三豪士過振袂踐佳靚馳道直如
弦輪蹄散霹靂憲橋柳轉凋疏野梅共靚飾凍腸騰棧銜四

剽霄漢色逶迤帶城陴沈湫支屋壁想公折脚鐺蚪龍僊
胸臆易世寤相撫愚者矜一得道喪才愈難踵以成反側
徽輶雜天壤萬口狃雞肋公甯匪先覺鐘梵傳太息魂依
謝傳墩戲詠見溫克文章碎金類開濟有餘力吾黨誰與
歸九原起活國巖鷗濯欄楯溪流韻箏笛終擬築鄰邱繞
廬伴散櫟

海上

電絡煙幢下輪蹄沸酒腸萬譁穿蜃氣一擲接蛟鄉幻影
初相雜游魂故不祥神山風引去還我海茫茫

六月十六日由南昌舟還金陵養疴湖上望廬山憶南康

郡守王翰林并憶林貽書提學偕幕僚黃墨園君方入
游此山

呻吟船榻對鷗橫祇有湖波和此聲卻怪看山閒郡守不
分瀑布藥勞生

席卷天霄插畫屏飛光散氣滿宮亭使君知入白雲處句
句親教猿鶴聽

爲語吟人黃墨園玉龍峽是洗頭盆舊偕梁節易甫題名
石可被蛟涎蝕字痕

尹和伯畫蜻蜓爲左繩孫觀察題
雨過池臺明夕暉釣絲微映芰荷衣回頭鶯燕銜花盡莫

向青溪款款飛

翠羽丹翹風引之二蟲大小又何知天游負卻承蜩手謝
汝江潭老畫師

七月十三日於後園聚家人用泰西攝影法摹小像

老味閑愈濃病骨肯嘗省閉關絕羈氛把弄炎晝永雨零
散花氣澹日銜翠嶺孺人愛景光理髮步園井駕海收羣
兒新婦亦來併層累列笄髦翼石唾樹癭蕉露槐風間簪
佩色深靜嬌雛小垂手笑探空明境依依雞犬前錄此團
圜影莊狎各有態綳繆意自領歲時望八荒羈迹飄蓬梗

世棄完骨肉娛我在俄頃

時大男次男留學日本第三期滿將
留學吳淞皆以暑假歸期滿將

別儘比桃源圖聚族誇奇景

病起玩月園亭感賦

羸骨嗟嗟夜吐銛起披月色轉深廊花叢絡緯旋園座石
罅蝦蟆欲撼牀近死肺肝猶鬱勃作癡魂夢盡荒唐初知
殺豹關輕重仰睇青霄斗柄長

對月有述

信有連雞勢還成引虎謀羣公支密勿萬景乍沈浮漂木
甯論蠹操刀費解牛山河月中影歷歷是鴻溝

恪士新居茅亭

葦柳冥冥溪上亭來看雲氣白還青絃歌不到鳴蟬處酒

紡時隨倦鳥停託世衣冠孤注盡流天鐘磬萬山醒卜鄰
換得漁竿手分我牆頭數點螢

遺懷

龍鍾老物一蓮條拚與途人目笑渠紫夢夸蛾徒自苦舞
筵傀儡定誰如戮民幾置風波外息壤親盟劫燼餘齷齪
嗽崎無一可殘年飽飯斫枵

紫薇

引還卅月耳紫薇三度花數與風雨戰摧敗旋交加當花
再滿時枕簟連呻嗟病眼怯不窺窗榻紅粼粼盛秋病良
已出對羣鵲譁瓔珞垂葳蕤錦綺紛騰擎燭天倒池水萬

象籠晴霞藤蔓映垣坂乾死赤色蛇磊石蹲亭側盡緒如
蒸豸夜半慧孛出棧芒敵橫斜不敢掃落去此花益矜誇
或云元氣濃胎奇踵光華又疑迭作態相哀滌癘瘥徘徊
亟慰藉我甯石人耶造化久失柄自憇還汝嘉歲歲保明
荷矢願其靡他

貽季詞

親受佳人肺腑言江迴海斷幾朝昏徘徊歧路天將厭分
付深杯道已尊還著病魔供老悖欲依星變訟煩冤

近
出

東胸中水鏡眉黃氣知有閒鷗日到門

秋夜

置酒池臺花片飛藤牀以對露霑衣萬方兵氣初秋夜一
道星河舊釣磯草徑微鐙捕蟋蟀瓜棚涼月宿蚺蟻琴歌
休與殘砧亂方閨中歐小女子天末懷人更不歸
劔丞過示新篇

衰疾下帷久趺然喜足音矧遺銜袖幅字字古人心幽溜
穿巖璞靈虬簸海襟起予歎來者不廢孟郊吟

建昌兵備道蔡伯浩重來白下感時撫事題以貽之

補官號作蠻夷長玩世仍爲江海行白盡鬚髯僨笑罵依
然肝膽見生平滔天禍水誰能遏繞夢冰山各自傾豪氣
未除沈痛久祇餘對酒百無成

小院納涼

小院風疏螢火流依依兒女映茶甌看星數點新涼味不在人間乞巧樓

顧亞蘧翰林同伯浩恪士過園居繩孫劔丞亦至談聚竟

日遂留晚飲

秋園微雨晨步步蘚苔新初起沈疴地同看隔世人鵲聲迎劔佩蜃氣認衣塵雜入賢豪坐悲歡所念真

之子嵩高氣峻嶒見諫書殊恩還舊省出宿帶微歎甘癖

涪嶠句言尋仲蔚居灰堆能好事揮涕未攜渠

亞蘧言從
亡友李亦

元知會刊仿宋槧山
谷內外集因案贈焉

晚酌供蔬筍初涼染薜蘿看天飄絮語閱世有悲歌鐙火

棊聲靜

恪對奕

俳優句法多

余與伯浩為詩錄之戲

勝游堪病眼二

客莫從何

亞遜伯浩即別江兩

亞遜旋返京師有枉贈之作依韻奉和

照眼秋花豔放春搖搖裙屐暖蕭晨自知舞袖今無地微

覺神州尙有人磊砢終扶松柏氣狂愚已負嘯歌身繼塵

晦日單車入刻骨新亭舊作鄰

君舊錄江府籍

恪士招飲淮舫作

累月疴作加暴下裹足戶闔形尫羸園花三四互開落不

復探首捩眼窺涉秋散劑獲甦展始扶僮稚尋蔬籬玩月

聽蟲頗連夕藤榻露下餘酸嘶何來嘉賓雜新舊照耀亭
館園傾卮高睨大談極幻怪肝膈放赦魂熙怡明日恪士
酌水次力疾就語忘癢疲市廛岸步缺一角山色了了清
氣肥畫船燈火仍鬧亂打槳轉柁浮溝池登降妖鬣竄狐
兔窺瞰保媪來魍魎眼前一水閩狎少醉擲身手從湘纍
酒酣據坐歌管罷側耳朝士哀京師逐鹿衛虎改氣象磔
鼠辭犬滋危疑祈天牖啓數大事坐聽百爾洶洶爲泥競
存亡假黨類梯緣排陷鳴其私崑岡之火鉅海浸安知死
所將尤誰嘖嘖閨房兒女語翻資中外觀易棊臯夔共鯨
孰指目載入堯典何淋漓乾端坤倪呈露久旁及詭瑣醜

顏垂客稍引去余亦倦歸闔閣門陳侘詩

追紀陳都司并敘

余友陳子言之弟子脩名於勤海軍學生通英俄語文
屢副掌兵艦及秦王島警察員日俄釁起疆吏屬間入
旅順諜虛實輒出萬死密書報聞甲辰四月舟還中俄
礮覆泗免既歸隸陸軍爲副標統長官某鄉人也忌而
中傷之竟不錄其功且左遷乃去之山東權安東衛都
司司警察兵氓戴其仁明呼曰陳青天未幾鬱鬱死子
言寄示所爲狀甚哀尤哀譖者之使不獲達其志也屬
詩以紀之

青房集卷之二
五十一
廬江俠士起咿嚶奮入田橫五百儔附雁帛書邀動色脫
鯨戈艦忍忘仇名成海岱終孤立日討軍民博死休自古
少年遭絳灌長公收涕試回頭

枕上

枕上迴殘味空文嚼四更暗鐙搖鼠鬣疏雨合蟲聲憂患
隨緣長江湖入夢明豆棚雞唱外輾轉是餘生

和恪士登樓感憤之作

老眼還期然死灰摩挲斜日下樓臺草間狐兔遺鳴鏑天
外蛟螭護蟄雷杼軸祗爲沈陸券瓶罍餘看過江才毀車
殺馬都陳迹千尺溪流照影哀

眞長曉暎見過

黃雞啄影女牆隈
醞釀晴秋繡石苔
二客偶然看竹到
一亭無恙據梧纔
立言擺落人間世
往事淒迷淡上杯
各有風懷寫孤憤
江山絲麗起騷才

秋集桃園新榭

桃塢舊繁榮
千株競紅白
暖此一溪春
仕女錯履舄
阿誰覬佳勝
甃礎營屋壁
斬掘不留殘
架構炫丹碧
脂黛朝鏡光
稍亂雲霞色
游舫指嗟喟
翔鴉斂其翮
秋來偶招尋
新榭敷燕席
融融日氣高
穿漏炙襟膈
怒吹湯竈堞
衆客俱辟易
息陰千斛船
槳動波瀾隔
徐榜鐙火窗
爰搗晚風入

顛倒拾匕箸謹吮噉裁汁吾儕稱好事盡醉且今夕想見
胡牀人二豪侍巾幘

園步三絕句

兩行古柳絲風秋煙露靜中藏垂翅鴉枝頭啄人影
一片殘陽池蒲葦相依因初放徑寸鯨網來長此人
泠泠隔畦蔬螻蛄夜相守滋味養老夫自負菜園肚

八月十一日後湖觀荷同施履卿毛實君伯韓兄弟葛虞
軒劉班侯

秋陰孕晨雨涼色潤郊郭游侶魚貫前野航欣有託捷疾
脫箭鞞飄兀捲筍箨蕭蕭葭葦風零語挂寥廓菱芡紛糾

縵細朵波光掠敗荷猶映蔚千頃青漠漠淤洲得柳隄板
橋半燒燦一二衝煙鷗銜魚眼中落棘徑夾修篁遂涉太
傅閣雲霄萬古意相顧念腰脚瓦墁見毀畫佻達戲爲虐
其習萌恣睢教失孝義薄飢僧亦逃去租吏稍腹削風景
舉目非誰云世外樂小飲敵荒寒積慮赦纏縛歸隨相箸
舟聽噪城門鵲

實君將別相與徘徊池水側綴而成詠

公誠憐此水交語立斯須照面今同皺鑄心竟自汗危機
迎世運定命護師儒領得濠梁趣重來數柳株

秋夜感懷和劍丞

老蟲乾鐵吟草樹照秋心冷月衣上淚酸風牆外礎虛空
魂欲出舜跖事相尋窅窅聽鴻翼孤尊信陸沈
抱古依殘夜無涯逐有涯蟠膺輝五嶽釘眼落三花坐倚
星辰冷微添烏鵲譁苔黃蕉露白章句對咨嗟

中秋園夜看月

簫鼓喧衢仰萬人窺園新月獨余親蘆簾沈露明於紙松
蓋樓煙散作塵說餅江湖呼老宿債轅道路有酸辛十年
爲客姮娥見祇對茶鐺換笑顰

過陳善餘編譯局

眼光巖電腹河源醉過高齋問草玄世變已成三等國吾

儕猶癖一家言屢傳奔月偷靈藥從識攀天泣夢痕文致

太平託鉛槧冥搜柱下見根原

君子論及老

夜出下關候船赴九江

起穿晴巷出白月共車茵明滅鐙搖馱狎猶柳攬人盲程

聊自詭孱影欲誰親郭外江潮動聽笳萬憾新

隆和舟中曉望

嵐綺晴連千萬山曩空旗纛曉風閒琴歌猶雜奔濤咽廬
墓剛成力疾還已逝蛟魚喧罟艇長飢雁鶩起蘆灣倚欄
自拂襟裾語念亂傷離兩鬢斑

十一月二日同陳芟潭胡明蘊入西山道中

年年涕淚追尋路風物今同隔世看
乾葉枯蕪霜後積亂峰孤塚霧中寒
照顏自令溪流皺記夢微憐履迹殘
滿意西山親二客魂翻日脚萬楓丹

墓上

萬山驅我前互穿嵐瘴窟紫紫見高墳
寒草眠殘日隔歲闕瞻掃惟靈接荒忽
石氣紫白青松枝長逾尺有兒尙路
人孫裔那忍述鴈雁摩霄飛舊是眼邊物
鄰叟無恙在欲訊成喫噎

墓門冷兒語詰曲伸千哀海甸數鉅製
可望如蓬萊湧現倏變滅眩指金銀臺
發軔鄉井役提挈同嬰孩幾作困獸

鬪復及枯魚災辛勤萍鄉翁漂沒宮亭隈建鼓亦無人誰
念然死灰洶洶仰一嚇萬口播鳩媒猥持不貲軀供彼阿
與排羿般甯可游伶鍾甯可埋夙昔誓墓心沈浮爲世哈
天用孰成虧空處材不材

客歲清明時寒雨滿荒谷梁髡先甲到餘花耀冠服灑淚
拜墓去得句寫心曲我來想見之生芻人如玉自此限江
海恨未隨黃鶴城中幾由旬怪事縛兩足觥觥彭澤叟

歐謂

生陽丈潤歎逝時省錄掀髯談逸事縣邈出其腹茲游伴陳胡

夢寐繞山麓世患令人老一生餘幾哭殘陽挂蕭峰目送

啼鴉宿

國粹學報畢三年紀念徵題

糠粃揚萬古神血凝三年作者有憂患傳之甯偶然輝光
天在抱鈎索月窺椽觀海難爲水斯文與導川

戊申人日龍研仙胡子靖見過園亭小飲

以下戊申

七聖迷具茨佛亦疲津梁咄爾倒置民過前一蚊蚋謬奮
蠅蝦臂日與車轍當羣兒噪繞之耕夫笑其旁收身泥塗
間曰窺無盡藏開歲得人日園柳未夷傷唵藹喧風生鷓
鴒下成行君子旣覲止颺拂草露光春蕤煥初服飛躍熙
天陽弄影愴故步各自拾豪芒森具腹中事捧驗棹闔場
爾癡乃過我潏潏對空觴

雪夜感述

初歲光陰梅柳同亭亭
鐙畔雪兼風九霄飛影能搖夜萬
竅寒聲已怒空誰聽馬肝終不食
尙餘雞肋欲論功分明
桑下曾三宿記向閒謠斷夢中

二月二十一日同徐悟陽道長赴西山展墓作

雲峰片片散幢幡
亂眼陂陀嶺草痕
怒出蜂聲迎野服
暗吹松氣護晴尊
遺言盡負成今日
仙客能來共斷魂
照水拂花頭更白
提攜萬影立黃昏

爲德益三題美人對鏡圖

脈脈情思嫋嫋身
蟠天際海爲誰掣
青鸞飄盡黃鶯寂
留

得花前共命人

東城馳道晚眺遣懷

叢綠稠紅莽四圍披披鞭影亂斜暉樓頭一雁終能暝天
外雙鷹亦倦飛吹葉可知風振海醉花新有月生衣道人
心物同無競閒睨橫笳緩轡歸

三月二十七日陪同弢庵閣學師登雞鳴寺楊子勤太守
一吳康伯觀察亦從游

淪暉蕩蒼煙斑駁亘山氣奔車指歸鳥十里雷霆碎竹林
光掠髮柳行涼染袂斜磴引穹巖乃陟南朝寺千山迤邐
開江轉蛇龍背臺城插後湖芥舟杯水置捉鼻數廢興賸

文家法愈光新累書不報吾滋疚後世相知子有真抱古
憂天供一隕茂陵遺草問家人

挽張雨珊觀察

衡疑鳳舉難兄弟夙枉交親說紀羣何意風雷折荆樹天
荒地變影雙墳在山泉水河流助聽雨圖編海內聞猶憶
鄂樓墮向我吟髭醉頰坐斜暝

挽胡子威拔貢

胡氏諸昆盡釋經嶽雲虧蔽見晨星終成帶索尋三樂自
許沙蟲有獨醒卜夏商歌出金石孫卿些賦別門庭翻傳

楚老微言外

謂王湘綺翁

嗚咽憑棺不忍聽

挽黃仲弢提學

儒服仍能貫九流扶桑逐隊作遨頭雍容尊俎光專對長
養菁莪預大謀欹枕那忘消反側蓋棺誰解殉幽憂相公
夢繞甘棠地應歎才難涕不收

挽沈丹曾參議

太保祠前湖柳髡荔蕉薦壁到公孫神儀輝爛鳳來下骨
骼騫騰驥欲奔飽閱軍容移郡國乍攀天闕厭籠樊君家
三世同風誼不忍階庭問謝元

溪舫春影圖集者爲弢庵閣學師陶齋尙書蘇堪提刑樂
庵工部康伯梅擬劔丞三觀察子勤楨庭兩太守暨余

凡十人

大者鯤鵬小斥鷃各乘天運相邀嬉披襟散髮對風物猥
肯齷齪同醯雞江南況饒山水窟當春草樹交芳菲閩嶠
丈人命游屐詔以弟子從其師探厯橋渠越堞坂衆巒殊
壑籠朝曦鍾山氣變最葱蒨道策蹇穿煙霏艸間石像
未剝蝕布列犀象爭瑰奇孝陵慘澹數百載龍盤走勢猶
見之歸途折入半山寺溪泉瀼瀼鳴城陴緣坡構架蔽叢
木小憩腰脚醒肝脾萬古一墩俯樵牧尙想侃強躄孤飛
啼鴉引步蜂蝶伴鑑園在眼觴榼隨頓出攀確就夷坦綴
英紫翠環參差臨流有會騁逸興橫荆取影嵌玻璃主客

次第暱篙槩瀾漪蕩漾山風吹尙書幹略匡時危吾師汪
汪千頃陂鄒卿鋒棧歛頰頤玩世工部霜雪髭餘子各負
騫騰姿各毗狂狷各瘠肥孤生折洩號樗散更倒澗壑供
點噴萬牛不博徑寸效身手慙與羣賢躋凌煙生面待藍
木渴羌但解漿流匙紀游餞別夕陽裏一鬢勝趣難摹追
乘三過話園亭

髮底滄瀛十萬程腰間雄劔再三鳴頰雲莽莽歸何處倦
鳥依依識此情舉足極知成左右割肝休更說生平苑囿
鶴柵分明在微笑同聽齧葉聲

過楊仁山居士方與居士營梵校齋生徒赴印度兼園學

畢先布教錫蘭各島

老向一切佛夢中開錫蘭爲言菩提樹枯盡忽糾蟠西去
飾徒衆東歸飛鷲鷲光明還震旦初念已瀾漫

後園攜家人晚步

日腳氣猶溫柳外栗留影扶攜步芳菲吹沫方塘靜曖曖
薰風高桑椹爛牆梗盈寸葦蘆莖連叢可沒頸牽衣躡履
間偷閒特自幸憶雜邪許場朽綆挽斜景駭汗目眯塵茹
吐喉置甕臬音破虛空爪距下一逞蹴蹋海水飛霑灑到
袂領邊云必恭敬祇辦召災眚肺腸成作癡魔壓互相警
引還薜蘿壁矧味菜根永煙霞結氤氳有此蘇耽井於陵

與東陵脫命兩訾省孺人護蠶蠟稚子躍蚱蜢語笑咫尺
爾負手驗木癭

戲詠牆根芍藥

一株穠豔土牆根棘刺蘆叢漏暈痕笑費儒人閒指點化
爲胡蝶伴黃昏

青溪晚汎

殘照垂楊見舞腰樓臺盡處放蘭橈一時頽唾生漚沫輸
與兒童弄晚潮

陶齋尙書之弟許州牧獲出土顏魯公所書和州刺史張
敬因碑殘段三十字尙書因徵題代

魯公書勢蛟龍橫斫劍畫椎起人敬一朝光氣滿山川千
歲殘碑出坑穽摩挲失喜寄青甌河永江閒誇季孟尙書
孝友更思賢豈徒風墅備按證

喜程子大至

一市啼鵲了卻春遣車誰省閉門人照愁江海君能至溫
夢歌呼我未馴微命尙堪禪處蝨畏途休問轍橫鱗溪山
待蹴吟魂起酒舫飛光鷗鷺親

喜黃澤生至

眼中騰達二三子君有寒儒面目還號率市人驅轉戰徐
開地力定諸巒吾謀不用襟初寫世難方興鬢欲斑風景

江南留醉語笑看挂壁大韶開

莫愁湖澤生子大同游

風埃眯眼出高城來看荷湖一片晴
老大都忘花底事浴波惟有鷓鴣橫

端午淮舫集

蒲艾溪風香攜客作端午千艦亂
鳧鷖數點江南雨一水雜歌呼萬窗
圖仕女鐙火虛空飛欲搖醉魂去
陶齋尙書所藏歐西水畫冊

羅馬名師不可攀至今派別角荆關
尙書胸次收瀛海更映靈奇數點山

爲小魯題湘江訪舊圖

驥老愈戀羣人老愈戀舊而況眠食地光景出造構如藥

合芬芳如苗熟耕耨黃髯繫湖湘勝衣及顏皺親懿師友

間興味溢醇酎一別數春秋江漢隻影廋頻歲望衡麓雷

雨閔靈岫鬼祟殃詞林奚止三豪覆狷叟張雨尤敬愛

淹疾罷砭灸髯往撫牀榻喘息懸晨霽張目喜視髯短句

俄爾就扶寫墨欵傾手紙髯淚透果從犀角弟堃秋尚書

近此才恐難又死友義獨留經紀靡罅漏湘人結網繆託

圖表耆宿嗟余久是邦同髯歷昏晝笙簧應宮商蘭芷接

馨臭十載隔俊游萬劫保孤瘤傳聞詫死生遑問匍匐救

披讀報裏足但有安叢話

小魯至有贈

老眼初明白下山柳蕙燕翼拂塵顏已生城郭人民歎况

抱湘江圖册還

君挾湘江訪
西園敵題

雷電取將疑有物典墳醞釀

自成屏猶能疊韻追坡谷莫更論文數馬班

北夜談及撰湖
述志事

袁綬瑜度支奉使過金陵因贈

紛披一代風騷手老汝車塵馱影間別後夢魂鯨鱓繞望

中樓闕燕鷗攀驗方早解治瘴結問俗甯能賦土山

王荆
公賦

有游土
山詩

留得江南鐙穗几槎枒肝肺對醜顏

贈胡梓方

死友垂危薦士書

謂南昌
熊季廉

盛稱瓌璞產鄉閭幾回江海尋

常見獨映波濤澎湃餘世有萬年歸自媚天全一得定誰
如義乖雅廢殷風雨思古幽情賴起予

五月既望抵姑蘇越二日伯弢招同鄭叔問郎中朱古微
侍郎張次珊通參張伯琴太守吳漁川黃小魯兩觀察
飲集顧園

隔年零夢颺軒廊陳銳相呼更舉觴垂徑藤蘿含雨暗嘯
牆梧櫃壓雲涼劫餘風物爲收拾吳會詞流盡老蒼閒向
藥欄調孔翠紛紛燕雁已高翔
至滬伯浩留宿洋務局

賓館崇嚴海色圍
酒清鐙爛雨如飛
使君吐氣與開闔
莫道彌天此客稀

日暉港織呢新廠訪太夷

蛻官而學賈嘖嘖
此書生塲地開新砌
神霄麗傑藝海雲
邪許外胡服陸離迎
熱發同張季憑嗤末富輕

張園坐雨

雨葉煙枝烏鵲猜
自移茗椀看樓臺
醉人游女今爭席
可費三年食豕來

節厂五十生日詩

二十養鬕髯三十狎崖壑
四十前後問名業
出處錯迄今

倏五十萬似留一鷓子初漑詩書根柢匪脆弱通籍慕汲
范正色試鋒鋦果鍛青雲翅江海照腰腳仰天吐吟篇涼
暝在寥廓浸尋世難亟隱痛宣木鐸菁莪飽涵濡聲實擅
楚鄂大臣人事君頗亦見拔擢挺出治亂絲吏政加纏縛
秋隼不忘擊豎儒飴鼎饒當道問豺狼抗疏又屢作極知
無所補聊以慰冥寞成就拂衣去偕隱幸踐諾江之水悠
悠匡山富靈藥平生互期許癡念儻有託吾言不予欺對
荷醞可酌

庶三過滬催取往別車中作

歸休十日耳復此託征車爲惜故人別彌令妄念加雨絲

颺蟻螻山勢眩蛟蛇宿漲遙明滅安樓數點鴉

出鎮江山洞迴望金山

天日都迷隧道中漆缸微焰射憑熊

穿洞里許車
坐悉然電燈

阿香猛

曳長雷出卻惹金山逐乃公

海舟別庶三還任甯波兵備道

江光海氣魚龍動錦纜牙檣燕雁翻且暮相逢成未了歛

歛感舊已無痕撼牀島嶼知深念入座星辰鑿罪言郭外

天童僧飯熟柿紅待我問重元

滬上酒樓遇高嘯桐太守旋辱詒寶竹坡侍郎奏議及公

子伯莠編修絕命詩札報贈三首

閩士標三高藉甚播名字謬獲覩其二白眉恨莫致湯侯
仙然剗海色市樓掃賓位照爛儕伍中君顏栗而粹腹余覆
甌作因緣吐所記相望互十稔疚報附氣類此才宜廟
堂嘗謂舉廢墜奈何終棄外咄咄稱怪事

怪事夫何如狡獪匪細放行取置諫垣開國有制度明
詔復其初外貢治行著君名列第一薄海仰嘉譽倉猝改
廷擢兒戲遣之去曠典二百年顛倒狗喜怒大臣誰尸
之寂未問三疏出處焉足論吾爲綱紀懼

越且去海壖枉書致綢繆賸以傳刻帙一門忠孝尤侍郎
秉慙直曠代更生儔泣血論國本其聲遏嗚歔孤芳躋

翰林九死爲靈脩哀鳴裂紙出懷此肝膈適褒輯綴題解
堂堂視九州悱惻師友間義與日月浮士不苟俯仰期君
千歲楸

北極閣訪悟陽道長

山數百級閣百尺手挽臺城唾後湖雨了諸峰爭自獻煙
開孤艇已能呼際天草樹飛光影衝涼牛驢入畫圖鐘梵
飄殘憑檻久道人祇解捋髭鬚

題蘇恂近感五律詩卷

十年祈定命五字有長城道與時高下天方厭老成庭荒
飢鵲伴舟臥片鷗盟騷外落花什蘊齋喻此情

詩君六有落首花

蓋繼玉先生作夫
之落葉詩而作

方地山還自天津過談彥復近狀附一詩訊之

方生南下話三沽喜子連牆日夕俱塵土堆中評贗物

與君

地山皆好搜求
蘇鼎古幣之尉觚稜影外有微吁應馴紅拂英雄氣

謂龍
影

媽莫對阿辛袴褶圖君新與兒阿辛
為元遠山愛子一別歲時同鳥翼閉

門真欲老潛夫

梅庵酒集雞鳴寺

午雲炙瓦草薰欄山氣湖光正結蟠客醉不知梁武帝咽

脂井畔儘迴看

七月五日梅庵飲集鑑園同實甫作

炎氛漲無罅喘汗對捻鼻招坐長廊風溪柳潛搖曳蕭蕭
樓館陰閒閒鷗鷺意山翠劇飛沫蕩與波光碎聽蟬撫闌
干夢外飽涼吹兩三小艇前髻影亂鐙穗乍迴一水香未
覺六朝逝有客觀海山猶腥鱷蟹氣餘興媚煙景忍飢說
三妹天涯共秃翁自憇愈可貴罷酒烏夜啼纖月漏林翳
月夜候涼憶實甫時實甫別還武昌三日矣
客去月初白林塘獨臥看雲過涼欲下露漉唾同乾蒸砌
生蟲語砧城斷雁翰江湖秋燭味應解老無歡

立秋夕圍望

隔歲迎秋期負疴依艾炷但聞莎雞鳴雁窺月中樹冉冉

復今夕事事恨謬誤所賸眠藤牀瘦骨禁煙露圍夜萬木
疎葉縫星無數蟲亦鳴我旁月亦還我故撲螢窻羣兒笑
語出蒿楚起視傍瑩池魚跳裂尺素蛇虺搖蘆叢深入呼
稚孺穿柳久相得督還仍駐屨飛字碎天墟燼我魂氣曙
揩眼數高鴻叫雲不知處

立秋後五夕暑烈不寐

秋炎宵愈熾反側向殘更摩籟知蚊殉搖鐙見鼠獮小疲
軒欲動驟覺夢遭烹起羨暗蟬適移枝風露清

題謝薌泉侍御遺墨册代

燒車御史不再得百餘年間誦孤直當時爲國護制度九

衢煌煌貫白日胸中有道匪襲取死生一條見遺墨至今

傳玩起歎嗟此是孤兒眼中筆

地造八墨字公子與垣旁通題云

先字若後臨終而遊此

節厂濤園先後來江南余病中相見頃節厂之滬濤園還

南昌賦此寄憶

孤鶴飛鷺乍有無互投海尾泝長湖養疴池館曾留影激

箭車船共欲呼玉佩瓊琚元落落陰陽虎豹笑區區江南

賸有爭墩處莫忘流觴照鬢須

中秋夕雨感作時病足不出幾而月

蹙痿甯逢藥萬金閉門裘創雨沈沈女牆又報花三落酒

舫終憑夢一尋隱見聖文延病嘸遑迴江介碎秋心壓櫓
煙液籠華燭起爲良宵擁鼻吟

病起觀後園

漸復起爲人園池放眼新疎花猶接雪衰草肯如茵頰唾
魚兒避柯條鵲殼馴晴雲終不去影我寤歌真

哭陳芟潭

興盡章流放別船君聞顛倒失朝眠甯知搖足成今古轉
恨軒眉負几筵了事癡兒依快閣

君官泰和丞廿
餘年重建快閣寫憂傲

吏戀斜川士林悲歎吾何冀零落詩篇恐稍傳

雨夜偶書

秋氣無高下
衰衰夜雨中
一涼能定夢
萬聒與翻空
漆字
鐙檠故花源
病榻同笑憑
足三別執帚
號癡聾

和酬小魯見寄

萬緣隨化遷
一瞥不可追
譬如聚鵝雁
旋作勞燕飛
子初
駐江南且哦
且遨嬉
猥騶蘇臺游
顛躓阿香輜
捧腹屢暴
下邊顧翠眉
嗤解裝宿使
府論道抉瑕
疵
詞流四五輩
賞
讌頗解頤
瓜艇七里塘
隅坐老畫師
暖日聳毛髮
枯風扇
漣漪小婦諳
吳烹棗餌獻
盤匙菰粉荷
葉糜筍蒲炙
薄耆
快啖顧巧笑
風味埒鷗夷
欵岸龍壽寺
血經爛珠璣
靈蹟
誇三生感歎
逐臣詩

短松禪老
人舟立和
血之

別探真孃慕虎

邱瓊劔池香魂霸業盡斜陽叫栖鷗興闌子益憊嘖呻動
罌罌主人強遣客踉蹌江海陸就舟獲甦息背盡鍾山窺
飛雨忽翳空拒捍莫我借別語雜邪許踽踽抱被歸其時
江漢災潦溢疫踵隨況兼陸渾燒颶母掀海來戕斃萬千
人誰能稽貨貲有司急政役計權籠烝黎瘡痍那受刮子
又怒奮髀起持熾隙間甘冒大猾譏歲時慕洗耳撏冠救
吾儕世患日繳繞溺亦然死灰咄子所觸歷聞者紛涕洟
新秋眼目豁濤淵靜渺瀚仲紙疾少間遠貺瓊瑤辭陳義
何昭晰摛采何葳蕤側揣貸親故溢飾鄰阿諛謂妄亦未
可動魄醒肝脾我固有微尙不與一世馳南柯憫螻蟻東

釣量蛟螭儒墨互提挈涵演劑厥施上希皎皎陽下葆冥
冥私異同幸相笑終堪爲子知

夜雨出下關登江舟視庶三時庶三由甯波官所奉母喪
還里

雨冷雲昏安所之疎鐙衢巷犢車馳漸趨深黑籠篁柳猶
自依稀送鼓鼙孤抱欲逢魑魅語餘生猶負輩流知雁高
江闊樓船上留得天邊一哭時

下關第一樓曉望

破雨雲霞色邀江仕女樓萬哀依去雁一醉在殘秋
波濤寫衣香草樹浮勞勞亭不見來此看橫流

於下關還城道中

晨曦乾雨未移時
人影樓臺江撼之
歸數馬蹄拋別思
隄楊偏放可憐枝

一庭花雨楊居士
幾樹鴉窠程水曹
兀兀車中閉新婦
未迎壺子已三逃

攜兒女園望

負榻柳陰下吹秋
嫋嫋風鳩聲古天
半蛇影臥牆東露
靜菘初白波含蓼
欲紅夕陽列兒女
都在畫圖中

伯皓自滬至

尺箠初揮海雁來
園花依舊話池臺
問渠波浪吞天處
可

有鯨鯢作繪材

八月廿八日赴滬車過鎮江懷節厂焦山幽居

秋暖煙空橘柿新車茵圍笑破埃塵江源入海餘佳處風

雨安山有此人坐接寥天孤鶴唳重尋紅樹大魚身

君昔年隱

焦山有紅樹極大魚身之句千林日脚搖眸盡歸摘驪珠餉隱淪

半山亭秋集

越磴穿陴到此堂黏天巖氣蓋青蒼蔽虧秋樹蟬吟去明

滅頑山雁點藏照坐須眉千載下暖杯風日一墩強閒閒

閱世雲光裏賸有尋詩意思長

依韻酬樊山布政見贈

使君風什靡天下更腹經綸過絕人才士獨爲蒙叟許道
家誰識賈生真移情水石知魚樂呵氣樓臺吐雁新廿載
相望今不負彌天舊是渡江身

紀哀答劔丞見寄時將還西山展墓

兩宮隔夕棄臣民地變天荒紀戊申萬古奔騰成創局五
洲震動欲歸仁月中猶暖山河影劔底難爲傀儡身煩念
九原孤憤在忍看宿草碧燐新

酬別金韜甫處士還瑞安金通哲理示以所箸言宗教言
魂魄二篇

鴻濛道論幾萌芽海角儒生掃衆譁物象直探無始義陰

陽應許別爲家古陰陽家之術亦不傳 絲絲運會移先覺了了癡頑

逐有涯我欲斷除前後際還看滴水活龍蛇

陶齋尙書招游松蟬亭時十一月二十日

治城山水窟名者以十數筇杖所嘗經略已發其趣城北

久荒瑟莽然絛草樹斜穿馳道旁孰意獲奇遇有阜如蜃

蠶有亭如蹲鸱插入瑠瓊盆層層松影護秋晚從公游梁

髯亦躡履葉罅兀千峰寒陽翳復吐鐙色颺聯吟淒與蟬

唱布沘溲杏靄中曠劫屐誰駐名之旌所遭其名自茲游始

各晒濟勝具茲來拾夢痕蕪徑換霜露徘徊落木根懷人

日將暮息壤甯可盟道勝在跬步相望謝公墩捉鼻匪恆

度

夜附汽車赴下關宿大觀樓候船

暗雨存燈火飛車拂市椽初分殘夜醉來枕大江眠一擲
堅餘念回看欲自賢哀鴻笳角起認汝在天邊

江上雨望

卻憶春游水拍隄鶻鷁鴻鷁作行齊祗今細雨荒江上倚
倦闌干聽鼓聲

四海哀思雪浪傳依稀雲際仰龍髯風狂捲取青山影壓
破米家書畫船

肘腋憑陵構亂頻燒天遺燼冷城闔南樓可有苞桑計儘

說恩波在細民

謂十月安慶
兵變縣城事

負手看江雨
腳垂舟中燕子竟
安之歲時所得關
醒醉千里風煙寫
鬢絲

抵九江鐵路局湖海樓

廬峰遠影插湖臺
夢寐重教舉酒杯
莫問濠梁魚樂否
已成華表鶴歸來

蠶尾橫斜映手題

樓壁聯榜皆為
濤園布政書贈

俊人今亦避金鏡
負山

縮地都癡絕
爭及城坊看鬪雞

晚發九江泊湖口

餘濤喧甕盎
疾箭失城灣
老味能孤往
靈襟復見還
江湖

寒落手象罔暗親顏把卷依津邏漁鐙數點閒

西山道中

城館溫歸夢鳴篔復此行遠林乾雨氣小市聚溪聲攫肉
烏應熟銜魚鷺已橫殘年尋一壑靄靄瘴雲生

微雨中抵墓所

將攜五噫蕩風煙越陌披榛大塚前石氣乍寒爲抱影松
枝不翦已經年雲旗弓劍重重恨猿鶴沙蟲稍稍傳微雨
獨來摩淚眼千山染血待啼鵑

長至雨歇晴日滿山奠墓畢偶述

帝未改元長至日松色鋪晴捧漿泣凝此一點兩點魂兀

對千山萬山白世上喧騰身遽老隴畔穿栽事須畢樵歌
滿谷聽者誰倚碑袖拂歸飛翼

靖廬樓望

山光蒼勃樹青紅村落都移日影中我自樓頭悲往事十
年聽盡鳥呼風

阿耶課種竹千竿今雜梅株壓曲欄苦向江湖照行腳未
容留待月邊看

廬前鵝鴨引雛回廬後桐桑略已栽傳得杖鄉程叟死無
人爲話墜山來

廬夜追懷芟潭翁

孤燭噓山氣，層樓引雁聲。隔年當此夕，一老對飛觥。魂魄
應來覩衣冠，有獨清。鼠跳懸榻處，腹痛負平生。

去西山還城寫道旁風物

蕭蕭寒日滿山岡，衰草飛蓬更一鄉。繞屋畚煙幻科斗，留
橋溪水應宮商。眼明牛迹穿紅樹，腸斷鴉雛噪白楊。過就
郵亭糞糝滑，路人弛擔話先皇。

臘月四夕於小張園讌席別諸君登舟時北風驟怒

惘惘成三宿，依依盡一甌。顛風翻逐客，殘夜落扁舟。洗念
波濤亂，鋪天雁鷺遄。城燈迷涕笑，扶夢儘迴頭。

曉發吳城渡湖

侵曉劈風銜尾船枕中微覺浪搖天前去緒山一萬尺應
有飢鳥喚客眠

起望銀濤萬弩攢貫虹精氣不能寒騎龍恍接欵欵語始

信人間行路難

火垣宮保山側爲落

江夜見新月

迤邐平原烏鵲翻江聲千里夜逾喧當眉新月無關係祇

照襟前舊淚痕

樊山示疊韻論詩二律聊綴所觸以報

騷賦而還接古悲散爲俶詭託娛嬉要搏大塊陰陽氣自
發孤衾寤寐思愈後誰揚摩刃手鼎來備解說詩頤中聲

翻覓喧騰裏，輸與黃鐘筍箴知。

堞壤能教日月新，白榆天上覆汀蘋。昔賢自負元和腳，微笑爭屠巨壑鱗。元氣有根終食果，長歌當哭不逢人。婆娑夢繞音聲樹，鳳下鸞棲萬古春。

光緒三十四年除夕

夢寐餘今夕，佯狂更異鄉。卜年成痛定，微尚待天昌。雷影冰圍燭，盆枝雪孕香。一尊吾自照，撒手到羲皇。

散原精舍詩卷下終